



Համաձայնեցված է՝
 ԼՂՀ ֆինանսների և էկոնոմիկայի նախարար
 Ս. Թևոյան
 «*[Signature]*» օգոստոսի 2013թ.

**ԼՂՀ ԿՐԹՈՒԹՅԱՆ ԵՎ ԳԻՏՈՒԹՅԱՆ ՆԱԽԱՐԱՐ
 Հ Ր Ա Մ Ա Ն**

«*27 օգոստոսի*» 2013 թ.

N *188/ԼՂ*

ք. Ստեփանակերտ

**ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ՈՒՍՈՒՄՆԱԿԱՆ
 ՀԱՍՏԱՏՈՒԹՅՈՒՆՆԵՐԻ ՆԱԽԱԴՊՐՈՑԱԿԱՆ ԽՄԲԵՐԻ ՕՐԻՆԱԿԵԼԻ
 ՀԱՍՏԻՔԱՑՈՒՑԱԿԸ ՀԱՍՏԱՏԵԼՈՒ ՄԱՍԻՆ**

*Լեռնային Ղարաբաղի Հանրապետության ուսումնական հաստատություններում
 նախադպրոցական խմբերի գործունեության կազմակերպման նպատակով*

հրամայում եմ՝

1. Հաստատել Լեռնային Ղարաբաղի Հանրապետության ուսումնական հաստատությունների նախադպրոցական խմբերի օրինակելի հաստիքացուցակը՝ համաձայն հավելվածի:
2. Նախարարության աշխատակազմի ընդհանուր բաժնի վարիչ Ն. Հարությունյանին՝ սույն հրամանի մասին տեղեկացնել ուսումնական հաստատությունների տնօրեններին:
3. Սույն հրամանն ուժի մեջ է մտնում 2013 թվականի սեպտեմբերի 1-ից:



Ս. ԱՍՐՅԱՆ

**ԼՂՀ հանրակրթական ուսումնական հաստատությունների նախադպրոցական խմբերի
 օրինակելի հաստիքացուցակ**

Պաշտոնը	Հաստիքային միավորների թիվը՝ կախված խմբերի թվից և օրվա տևողությունից											
	6 - օրյա և օրական 6- ժամյա տևողությամբ						5- օրյա և օրական 9 ժամյա տևողությամբ					
	1 խումբ	2 խումբ	3 խումբ	4 խումբ	5 խումբ	6 խումբ	2 խումբ	3 խումբ	4 խումբ	5 խումբ	6 խումբ	
1. Նախադպրոցական բաժանմունքի վարիչ	-	-	0.5	0.5	0.5	1	1	1	1	1	1	
2. Խոհարար	0.5	0.5	1	1	1	1	1	1	1	1	1	
3. Խոհարարի օգնական	-	-	-	0.5	0.5	1	-	0.5	1	1	1	
4. Լվացարար	-	-	-	-	-	-	0.75	1	1	1.25	1.75	

5. Նախադպրոցական խմբերի ջեռուցման և էլեկտրական սպասարկումը ընդգրկվում է դպրոցի ընդհանուր սպասարկման աշխատանքներում:
6. Նախադպրոցական խմբերին հատկացված տարածքների մաքրման աշխատանքներն հրականացնում են խմբերի դաստիարակի օգնականները, և այդ տարածքների մակերեսները չեն հաշվարկվում դպրոցի ընդհանուր մաքրման չափաքանակում:
7. Դաստիարակի պաշտոն մեկ խմբի հաշվարկով սահմանվում է.
 - 6- օրյա աշխատանքային շաբաթի և 6- ժամյա օրական տևողությամբ -1 միավոր
 - 5 – օրյա աշխատանքային շաբաթի և 9- ժամյա օրական տևողությամբ -1.25 միավոր
8. Դաստիարակի օգնականի պաշտոն 1 խմբի հաշվարկով սահմանվում է .
 - 6 -օրյա աշխատանքային շաբաթի և 6- ժամյա օրական տևողությամբ - 0.5 միավոր
 - 5- օրյա աշխատանքային շաբաթի և 9-ը ժամյա օրական տևողությամբ - 1.1 միավոր
9. 9-ժամյա տևողությամբ նախադպրոցական բաժանմունքում սահմանվում է երաժշտական ղեկավարի, պարուսույցի և ֆիզկուլտուրայի հրահանգչի հաստիքային միավորներ՝ յուրաքանչյուր խմբի համար 0.25 - ական դրույքի չափով:
10. Տվյալ դպրոցում 6-ժամյա և 9- ժամյա տևողությամբ խմբեր գործելու դեպքում հիմք է ընդունվում 9-ժամյա տևողությամբ խմբերի հաստիքացուցակը և ընդհանուր չորս խմբերի առկայության դեպքում հատկացվում է խոհարարի օգնականի 0.5 միավոր:

11. Նախադպրոցական խմբերի սանիտարական վիճակի վերահսկողության և երեխաների բուժապասարկման աշխատանքները իրականացվում են համապատասխան բժշկական ծառայությունների միջոցով:

12. Նախադպրոցական խմբերի և նախադպրոցական բաժանմունքների ընդհանուր կառավարումն իրականացվում է դպրոցի տնօրենի կողմից, ուսումնադաստիարակչական, մեթոդական և ֆինանսական գործունեությունը իրականացնում և վերահսկում է նախադպրոցական բաժանմունքի վարիչը, իսկ նախադպրոցական վարիչի պաշտոն սահմանված չլինելու դեպքում՝ դպրոցի ուսումնական աշխատանքների գծով տնօրենի տեղակալը, երեխաների սննդի սպասարկման, բաշխման և մյուս տնտեսական աշխատանքներն իրականացնում է դպրոցի տնօրենի տնտեսական աշխատանքների գծով տեղակալը կամ տնտեսվարը:

13. Վերոնշյալ 12-րդ կետում նշված աշխատանքային պարտականությունների կատարման համար դպրոցի տնօրենի, դպրոցի տնօրենի ուսումնական աշխատանքների և տնտեսական աշխատանքների գծով տեղակալների կամ տնտեսվարի համար սահմանվում է ամսական հավելավճար, համապատասխանաբար նրանց պաշտոնի դրույքաչափի 15% չափով՝ 2 և ավելի նախադպրոցական խմբերի առկայության դեպքում:

14. Հանրակրթական դպրոցների նախադպրոցական խմբերում ընդգրկվում են միայն ավագ տարիքի երեխաներ:

15. Նախադպրոցական խմբերի երեխաների սննդի ծախսերը սահմանվում են.

6- ժամյա տևողությամբ խմբերի 1 երեխայի հաշվով - 200 դրամ և 9- ժամյա տևողության խմբերի համար – 566 դրամ:

16. Նախադպրոցական խմբերի երեխաների սննդի համար ծնողական մուծումները սահմանվում են ԼՂՀ կրթության և գիտության նախարարության կողմից նախադպրոցական հաստատությունների երեխաների ծնողական մուծումների կարգին համապատասխան:

17. Նախադպրոցական խմբերի երեխաների խտությունը սահմանվում է. մեկ խմբում 25-30 երեխա, իսկ գյուղական և առանձնահատուկ դեպքերում քաղաքային վայրերում 10- 25 երեխաներ: Մինչև 15 երեխայի դեպքում դաստիարակի օգնականի հաստիքային միավոր չի սահմանվում:

18. Նախադպրոցական խմբերում կարող են ներառվել կրթության առանձնահատուկ պայմանների կարիք ունեցող երեխաներ՝ մեկ խմբի հաշվարկով՝ առավելագույնը 7 երեխաներ: